

祥符縣志

祥符縣志

卷一

祥符縣志卷之五

人物

古來稱人物者曰天下曰一代今徒以地靈人傑爲詞小之乎言人物矣大衆自公子無忌而後名賢踵出或以道學或以勲業或以文章考而著之亦以見一邑有關於天下一代可垂于萬世也寧僅表里旌門以一云典型在茲哉作人物志

戰國

公子無忌魏昭王少子安釐王異母弟封信陵君仁而下士食客三千人嘗是時諸侯以公子賢



而多客不敢加兵於魏秦昭王已破趙長平軍
進兵圍邯鄲公子姊平原君夫人數遺魏王及
公子書請救魏王畏秦使晉鄙將兵救趙令留
軍壁鄴無忌用侯生計遂破秦軍救邯鄲因留
于趙秦因公子在趙日夜東伐魏公子乃歸率
五國之兵逐秦至函谷關不敢出秦王患之行
間於安釐王王疑使人代無忌將無忌自知以
毀廢乃謝病歸與賓客爲長夜飲四歲卒

侯嬴大梁人年七十家貧爲夷門監者魏公子無
忌欲厚遺之不肯受公子乃置酒大會賓客從

車馳遽左無迎侯廉侯廉攝敝衣冠直上載不
謀欲以觀公子公子顏色愈和既至引廉上坐
衆賓皆驚及秦圍邯鄲急魏王不肯發公子欲
馳赴秦軍與趙俱亡過侯廉廉授計公子竊晉
鄙兵符救趙謂公子曰臣老矣不能從約公子
行至晉鄙軍之日北鄉以自剄及公子至軍廉
果自剄

朱亥大梁人賢而隱於屠侯廉薦之魏公子無忌
公子無忌枉車騎過之亥不復謝及公子竊晉
鄙兵符救邯鄲廉使朱亥從椎殺晉鄙公子遂

將晉鄆軍破秦救趙公子使亥奉璧謝秦秦王
怒置之虎圈亥髮衝冠頓目視虎虎不敢動秦
遂以禮遣之

唐唯魏人齊楚攻魏魏人求救於秦救兵不出唯
年九十餘西說秦王曰魏萬乘之國也稱東藩
於秦以秦之強足以爲與也今齊楚之兵已合
魏郊大王不救魏急且割地而約齊楚王尚何
以爲是亡一藩國而以強資二敵也秦王悟遂
發兵赴魏齊楚聞之引兵去

不介魏人初惠施爲齊魏交令太子鳴往質於齊

王欲見之倉謂王曰何不稱病臣請說嬰子曰
是王之年長矣今有疾公不如歸太子以德之
不然公子在楚楚將內而立之是齊抱空質而
行不義也嬰子許之

張儀魏人學縱橫之術游說諸侯無所遇後入秦
秦以爲客卿因使說魏王曰秦之遇魏甚厚魏
不可無禮於秦公是盡入上郡十五縣以謝
儀因留相魏欲令魏先事秦以倡諸侯襄王不
聽襄王太子立儀復說哀王而請成於秦從
約遂解又說楚韓齊燕皆許之儀自燕歸報水

至咸陽而秦惠王卒子武王素不說儀故儀乃
亡歸游梁十歲而卒

秦

陳餘大梁人好儒術初與張耳爲刎頸交及武臣
立爲趙王餘爲大將軍耳爲丞相後有隙解印
綬與耳獨與麾下數百人之河上澤中漁獵及
項羽王耳而以南皮旁三縣封餘餘怒以兵襲
耳盡收趙地立爲代王張耳之破并陘餘死派

水上

張耳大梁人少爲魏公子無忌客官爲外黃令
滅魏購耳千金耳與同邑陳餘變名姓爲陳賢
與陳餘起二人往從之涉以爲左右校尉定
趙地立武臣爲趙王後與餘有隙項羽入關立
耳爲常山王餘以兵襲耳耳敗走歸漢漢遣耳
與韓信擊破趙并陘殺陳餘追殺趙王歇遂立
耳爲趙王卒謚曰景子敖嗣尚高帝魯元公主
樂布梁人彭越微時嘗與布游及越爲梁王請布
爲大夫越被誅詔有收視者輒捕之時布使子
齊比還奏事越頭下祠而哭之高帝怒欲烹布

布曰願乞一言而死帝曰何言布曰方上之國
彭城敗滎陽成臯間項王所以不能遂西徒以
彭王居梁地與漢合從苦楚也當是之時彭王
一顧與楚則漢破與漢則楚破且垓下之會微
彭王項氏不亡天下已定彭王剖符受封亦欲
傳之萬世今漢一徵兵於梁彭王病不能行而
疑以爲反反形未見以苛細誅之臣恐功臣人
人自危也今彭王已死臣生不如死請就烹帝
釋之拜爲都尉吳楚反時以功封卬侯

中涓嘉梁人以什官張從高帝擊項羽爲隊率

嘉奏事畢因言曰陛下愛幸群臣則富貴之至
於朝廷之禮不可以不肅罷朝爲數召通數以
不敬之罪欲斬之通頓首出血嘉弗爲禮帝遣
使持節召通而謝丞相方釋去孝景時復相相
二年卒謚曰節侯

梁孝王武漢孝文皇帝次子與景帝同母母竇太
后孝文帝凡四男子長孝景皇帝次武次參次

勝孝文帝卽位二年以武爲代王以參爲太原王以勝爲梁王後二歲徙代王爲淮陽王十年梁王勝卒明年徙淮陽王爲梁王梁王比年入朝二十二年孝文帝崩二十四年二十五年複入朝景帝尚未置太子與梁王燕飲從容言曰千秋萬歲後傳於王王辭謝迨七國反梁王城守睢陽使韓安國張羽等爲大將軍以拒吳楚吳楚以梁爲限不敢過而西與太尉亞夫等相距迨吳楚破而梁所破殺虜畧與漢中分梁與漢最親有功又爲大國居天下膏腴地四十餘

滅孝王爲實太后少子愛之賞賜甚厚於是孝
王築東苑三百餘里廣睢陽城七十里大治宮
室爲複道自宮連屬於平臺三十餘里得賜天
子旌旗出從千乘萬騎出稱蹕入言警擬於天
子招延四方豪傑齊人羊勝公孫詭鄒陽之屬
皆至梁多作兵器府庫金錢百巨萬珠玉寶器
多於京師孝王入朝景帝使使持節乘輿駟馬
迎梁王於闕下旣朝因留以太后親故王入則
侍景帝同輦出則同車游獵梁侍中謁者皆得
引籍出入天子殿門上旣廢栗太子實太后心

欲以孝王爲嗣大臣袁盎等有所關說於景帝
太后議格梁孝王乃辭歸國怨袁盎及議臣陰
使人刺殺袁盎及他議臣景帝意梁王逐賊累
梁使之覆按梁公孫詭羊勝皆自殺梁王恐因
長公主謝罪太后乃得釋梁王伏斧質闕下謝
罪太后景帝大喜相泣復如故三十五年復朝
歸國忽忽不樂六月病熱卒

丁寬字子襄梁人初梁項王從田何受易時寬爲

項王從者讀易精敏材過項王遂事何學成東
歸何謂門人曰易以東矣寬至洛陽復從周王

孫受古義號周氏傳作易說三萬言寬授同郡
碭田王孫王操授施讐孟喜梁丘賀繇是易有施
孟梁丘之學

戴德字延君弟聖字次君梁人受禮於後倉德號
大戴爲信都大傳聖號小戴以博士論石渠至
九江太守由是禮有大小戴氏之學大戴授瑯
邪徐良旂卿爲博士州牧郡守家世傳業小戴
授梁人橋仁楊榮仁爲大鴻臚家世傳業榮爲
瑯邪太守由是大戴有徐氏小戴有橋楊氏之

學

鄭興字少贛開封人少學公羊春秋晚善左氏傳
學者皆師之劉歆美興才使選條例章句訓詁
及校三統歷更始立興爲丞相長史令後歸隗
囂建武中徵爲大中大夫三月晦日食興上疏
極陳時政之弊多見採納以不善識不得任從
吳漢擊公孫述述死留屯成都因侍御史論奏
左遷蓮勺令尋以事免不復仕客閭鄉世言左
氏者多祖興連辟不就卒於家子衆能傳父學
鄭衆字仲師年十二從父受左氏春秋精力於學
明三統歷作春秋難計條例兼通易詩知名于

世建武中皇帝太子遣使往聘辭不赴承平中以
明經舉爲給事中時匈奴求和顯宗遣衆持節
以往衆至虜脇之不屈遂發使隨衆還京師後
坐忤旨繫獄會赦免未幾起爲軍司馬使累官
至大司農奉詔作春秋冊十九篇卒于官

一 邊韶字孝先潁儀人以文學知名教授數百人嘗
晝日假臥弟子私嘲之曰邊孝先腹便便懶讀
書但欲眠韶潛聞之應聲對曰邊爲姓孝爲字
腹便便五經笥但欲眠思經事寐與周公通夢
靜與孔子同意師而可嘲出何典記嘲者大慙